

REGLUGERÐ RÁÐSINS (EB) nr. 1165/98**2001/EES/46/54****frá 19. maí 1998****varðandi hagskýrslur til skamms tíma^(*)**

RÁÐ EVRÓPUSAMBANDSINS HEFUR,

með hliðsjón af stofnsáttmála Evrópubandalagsins, einkum 213. gr.,

með hliðsjón af drögum að reglugerð framkvæmdastjórnarinnar ⁽¹⁾,með hliðsjón af álitum Evrópuþingsins ⁽²⁾,með hliðsjón af álitum efnahags- og félagsmálanefndarinnar ⁽³⁾,með hliðsjón af álitum Peningamálastofnunar Evrópu ⁽⁴⁾,

og að teknu tilliti til eftirfarandi:

- 1) Í tilskipun ráðsins 72/211/EBE frá 30. maí 1972 um samræmdar hagskýrslur um skammtímabreytingar á umsvifum í iðnaði og handiðnaði ⁽⁵⁾ og tilskipun ráðsins 78/166/EBE frá 13. febrúar 1978 um samræmdar hagskýrslur um skammtímabreytingar á umsvifum í byggingarstarfsemi og mannvirkjagerð ⁽⁶⁾, sem voru settar með það í huga að safna samfelldum hagskýrslum, var ekki unnt að taka tillit til efnahagslegra og tæknilegra breytinga.
- 2) Eftir þetta hafa orðið enn frekari framfarir í bandalaginu í átt til samþættingar. Nýjar stefnur og viðmiðanir í efnahagsmálum, samkeppni, félagsmálum og umhverfismálum og hjá fyrirtækjum krefjast frumkvæðis og ákvarðana sem byggðar eru á marktækum hagskýrslum. Þær upplýsingar, sem kveðið er á um í gildandi lögum bandalagsins eða eru tiltækar í aðildarríkjunum, eru ónógar eða ekki nægilega samanburðarhæfar til að geta verið áreiðanlegur grundvöllur fyrir störf bandalaganna.
- 3) Til að væntanlegur Seðlabanki Evrópu geti metið efnahagsþróun aðildarríkjanna í sambandi við sameiginlega evrópska stefnu í peningamálum þarf hann að eiga skjótan aðgang að skammtímahagskýrslum.

- 4) Stöðlun er nauðsynleg til að mæta þörfum bandalagsins fyrir upplýsingar um efnahagslega samleitni.
- 5) Nauðsynlegt er að geta haft skjótan aðgang að áreiðanlegum hagskýrslum til að geta metið efnahagsþróun aðildarríkjanna Evrópusambandsins innan ramma efnahagsstefnu þess.
- 6) Fyrirtæki og fagfélög þeirra þarfnast upplýsinga af þessum toga til að öðlast skilning á mörkuðum sínum og geta borið saman starfsemi sína og afkomu og keppinauta sinna í atvinnugreininni innanlands og á alþjóðagrundvelli.
- 7) Gerð þjóðhagsreikninga samkvæmt reglugerð ráðsins (EB) nr. 2223/96 frá 25. júní 1996 um evrópskt þjóðhags- og svæðisreikningakerfi í bandalaginu ⁽⁷⁾ gerir það nauðsynlegt að þróa samanburðarhæfan, ítarlegan og áreiðanlegan hagskýrslugrunn.
- 8) Ráðið samþykkti með ákvörðun 92/326/EBE ⁽⁸⁾ tveggja ára áætlun (1992 til 1993) um þróun evrópskra hagskýrslna um þjónustu. Þessi áætlun felur í sér samantekt samræmdra hagtalna á landsgrundvelli eða svæðisbundið, einkum með tilliti til verslunar og dreifingar.
- 9) Í samræmi við dreifræðisregluna er fyrirhugað að setja sameiginlega hagskýrslustaðla sem gera kleift að taka saman samræmdar hagskýrslur, en einungis er hægt að ná markmiðum þeirrar aðgerðar á vettvangi bandalagsins. Þessir staðlar verða notaðir í aðildarríkjunum undir stjórn þeirra aðila og stofnana sem hafa með höndum samantekt opinberra hagskýrslna.
- 10) Besta leiðin til að komast að raun um hagsveiflur er að taka saman hagtölur í samræmi við sameiginlegar grundvallarreglur í aðferðafræði og sameiginlegar skilgreiningar á breytum. Aðeins með samræmdri samantekt er unnt að setja saman samræmdar hagskýrslur með þeim áreiðanleika, hraða,

(*) Þessi EB-gerð, sem birtist í Stjtið. EB L 162, 5.6.1998, bls. 1, var nefnd í ákvörðun sameiginlegu EES-nefndarinnar nr. 80/2000 frá 2. október 2000 um breytingu á XXI. viðauka (Hagskýrslugerð) við EES-samninginn. Sjá EES-viðbæti við Stjórnartíðindi Evrópubandalaganna nr. 59, 14.12.2000, bls. 19.

⁽¹⁾ Stjtið. EB C 267, 3. 9. 1997, bls. 1.

⁽²⁾ Álit var skilað 20. febrúar 1998 (Stjtið. EB C 80, 16.3.1998).

⁽³⁾ Stjtið. EB C 19, 21. 1. 1998, bls. 125.

⁽⁴⁾ Álit var skilað 11. september 1997 (hefur enn ekki verið birt í Stjórnartíðindum EB).

⁽⁵⁾ Stjtið. EB L 128, 3. 6. 1972, bls. 28.

⁽⁶⁾ Stjtið. EB L 52, 23. 2. 1978, bls. 17.

⁽⁷⁾ Stjtið. EB L 310, 30. 11. 1996, bls. 1.

⁽⁸⁾ Stjtið. EB L 179, 1. 7. 1992, bls. 131.

sveigjanleika og nákvæmni sem krafist er til að koma til móts við þarfir framkvæmdastjórnarinnar og fyrirtækja.

- 11) Innlendir hagstofur eru best til þess fallnar að annast árstíðabundnar leiðréttingar og útreikning á þróunarferli innleindra gagna. Ef árstíðaleiðréttingar á gögnum og þróunarferli eru sendar til framkvæmdastjórnarinnar eykst samræmi milli gagna sem dreift er innanlands og á alþjóðagrundvelli.
- 12) Rekstrareiningar (KAU) samsvara einni eða fleiri undirdeildum sem starfræktar eru í fyrirtæki. Til að unnt sé að athuga rekstrareiningu verður fyrirtæki að ráða yfir upplýsingakerfi sem getur gefið upplýsingar um eða reiknað út fyrir hverja rekstrareiningu, að minnsta kosti, framleiðsluverðmæti, notkun aðfanga, launakostnað og rekstrarafgang, ásamt starfsmannafjölda og fjármunamyndun. Rekstrareiningar, sem falla undir ákveðið flokkunarnúmer í tölfræðilegri atvinnugreinaflokkun Evrópubandalagsins (NACE, 1. endursk.), geta framleitt vörur sem falla utan þessa einsleita vöruflokks og getur það stafað af aukastarfsemi sem tengist framleiðslunni og ekki er unnt að aðgreina sérstaklega í tiltækum bókhaldsgögnum. Fyrirtækið og rekstrareiningin eru eitt og það sama þegar fyrirtæki reynist ómögulegt að veita upplýsingar um eða reikna út upplýsingar um allar breyturnar sem taldar eru upp í þessari málsgrein fyrir eina eða fleiri undirdeildir.
- 13) Hagskýrslugögn, sem tekin eru saman samkvæmt kerfi bandalagsins, verða að vera viðunandi að gæðum og verða gæðin, sem og fyrirhöfnin sem þeim fylgir, að vera samanburðarhæf milli aðildarríkjanna. Það er því nauðsynlegt að ákveða sameiginlegar viðmiðanir sem gera það kleift að uppfylla þessar kröfur. Skammtímahagskýrslur verða að vera samkvæmar niðurstöðum sem eru sendar í samræmi við reglugerð ráðsins (EB, KBE) nr. 58/97 frá 20. desember um hagskýrslur um skipulag fyrirtækja ⁽¹⁾.
- 14) Reglugerð ráðsins (EB) nr. 322/97 frá 17. febrúar 1997 um hagskýrslur bandalagsins ⁽²⁾ myndar viðmiðunarramma fyrir ákvæði þessarar reglugerðar, einkum þau sem taka til aðgangs að stjórnsýslugögnum og trúnaðarkvaða í hagskýrslum.
- 15) Nauðsynlegt er að einfalda stjórnsýslumeðferð fyrirtækja, einkum lítilla fyrirtækja, meðal annars með því að hvetja til notkunar tækninýjunga við söfnun og samantekt gagna. Sú ráðstöfun að nota fyrirbyggjandi

stjórnsýslugögn við gerð hagskýrslna minnkar fyrirhöfn fyrirtækja. Ef bein gagnasöfnun frá fyrirtækjum er nauðsynleg við samantekt hagskýrslna verða aðferðirnar og tæknin, sem beitt er, að tryggja áreiðanleg og uppfærð gögn án þess að íþyngja hlutaðeigandi aðilum óþarflega, einkum litlum og meðalstórum fyrirtækjum, miðað við þann árangur sem eðlilegt er að notendur téðra hagskýrslna gætu búist við.

- 16) Nauðsynlegt er að sameiginlegur lagarammi sé um alla starfsemi og öll svið fyrirtækja, sem hagskýrslur ná yfir, og sem nær einnig utan um starfsemi og svið sem hagskýrslur ná ekki yfir enn sem komið er. Hægt er að skilgreina umfang hagskýrslanna, sem á að taka saman með tilvísun til reglugerðar ráðsins (EBE) nr. 696/93 frá 15. mars 1993 um hagskýrslueiningar fyrir athugun og greiningu á framleiðslukerfi bandalagsins ⁽³⁾ og reglugerð ráðsins (EBE) nr. 3037/90 frá 9. október 1990 um atvinnugreinaflokkun Evrópubandalagsins (NACE, 1. endursk.) ⁽⁴⁾.
- 17) Til að unnt sé að skýra nánar reglur um söfnun og tölfræðilega úrvinnslu gagna og úrvinnslu og sendingu breytna er nauðsynlegt að veita framkvæmdastjórninni, sem nýtur aðstoðar hagskýrsluáætlunarnefndar, sem komið var á fót með ákvörðun ráðsins 89/382/EBE, KBE ⁽⁵⁾, umboð til að samþykkja ráðstafanir til að beita þessari reglugerð.
- 18) Samráð hefur verið haft við hagskýrsluáætlunarnefndina í samræmi við 3. gr. ákvörðunar 89/382/EBE, KBE.

SAMÞYKKT REGLUGERÐ ÞESSA:

1. gr.

Almenn markmið

1. Markmiðið með þessari reglugerð er að setja sameiginlegan ramma um gerð skammtímahagskýrslna bandalagsins um hagsveiflur.
2. Í hagskýrslunum koma fram upplýsingar (breytur) sem eru nauðsynlegar til að samræmdur greiningargrunnur fái stöð fyrir skammtímaþróun framboðs og eftirspurnar, framleiðsluþátta og verðs.

⁽¹⁾ Stjtið. EB L 76, 30. 3. 1993, bls. 1.

⁽²⁾ Stjtið. EB L 293, 24. 10. 1990, bls. 1. Reglugerðinni var breytt með reglugerð framkvæmdastjórnarinnar (EBE) nr. 761/93 (Stjtið. EB L 83, 3. 4. 1993, bls. 1).

⁽³⁾ Stjtið. EB L 181, 28. 6. 1989, bls. 47.

⁽¹⁾ Stjtið. EB L 14, 17. 1. 1997, bls. 1.

⁽²⁾ Stjtið. EB L 52, 22. 2. 1997, bls. 1.

2. gr.

Gildissvið

1. Þessi reglugerð gildir um alla markaðsstarfsemi sem er tilgreind í bálkum C til K og M til O í atvinnugreinaflokkun Evrópubandalagsins (NACE, 1. endursk.) eins og kveðið er á um í reglugerð (EBE) nr. 3037/90.

2. Þær gerðir hagskýrslueininga, sem eru taldar upp í 1. þætti viðauka við reglugerð (EBE) nr. 696/93 og flokkast undir einhverja af atvinnugreinunum sem um getur í 1. mgr., skulu falla undir gildissvið þessarar reglugerðar. Notkun sérstakra eininga við samantekt hagskýrslna er tilgreind í viðaukunum við þessa reglugerð.

3. gr.

Viðaukar

1. Sérstökum kröfum vegna breytnanna er lýst í viðaukunum.

2. Eftirfarandi upplýsingar koma fram í hverjum viðauka eftir því sem við á:

- a) þær tilteknu atvinnugreinar sem ber að taka saman hagtölur um,
- b) þær gerðir hagskýrslueininga sem skal nota við samantekt hagskýrslnanna,
- c) skrá yfir breytur,
- d) framsetning breytnanna,
- e) viðmiðunartímabil breytnanna,
- f) nákvæmnistig breytnanna,
- g) skilafrestur gagna,
- h) skrá yfir fjálsar forkannanir,
- i) fyrsta viðmiðunartímabil,
- j) frestur sem veittur er til aðlögunar.

4. gr.

Gagnasöfnun

1. Aðildarríkin skulu afla nauðsynlegra gagna til að taka saman breyturnar sem skráðar eru í viðaukunum.

2. Aðildarríkjunum er heimilt, með því að beita grundvallarreglunni um einföldun stjórnsýslu, að afla nauðsynlegra gagna með samtengingu ýmissa heimilda eins og tiltekið er hér á eftir:

- a) skyldukannanir: lögformlegu einingarnar, eins og þær eru skilgreindar í reglugerð (EBE) nr. 696/93, sem hagskýrslueiningarnar, sem aðildarríkin mælast til að láti

í té upplýsingar, eru hluti af eða settar saman úr eru skyldugar til að láta í té nákvæmar og ítarlegar upplýsingar á réttum tíma,

b) aðrar viðeigandi heimildir, þar með talin stjórnsýslugögn,

c) viðeigandi tölfræðilegar matsaðferðir.

3. Aðildarríkin og framkvæmdastjórnin skulu stuðla að aukinni notkun rafrænnar gagnasöfnunar og meiri sjálfvirkni í gagnavinnslu á sínu valdsviði.

5. gr.

Tíðni

Allar breytur skal gefa út oftar en einu sinni á ári. Tíðnin fyrir hverja breytu er tilgreind í viðaukunum.

6. gr.

Nákvæmnistig

Breyturnar skulu gefnar út í samræmi við gildandi flokkunarkerfi á því nákvæmnistigi sem er tilgreint í viðaukunum.

7. gr.

Úrvinnsla

Viðkomandi aðildarríki skulu vinna samanburðarhæfar breytur úr ítarlegu gögnunum sem fengin eru í samræmi við 2. mgr. 4. gr., samkvæmt reglunum sem kveðið er á um í viðaukunum. Aðildarríkin skulu einnig taka til greina leiðbeiningar í leiðbeiningahandbókinni um aðferðafræði sem vísað er til í 12. gr.

8. gr.

Sending

Aðildarríkin skulu senda Hagstofu Evrópubandalaganna (EUROSTAT) breyturnar, sem mælt er fyrir um í 7. gr., ásamt trúnaðargögnum, á rafrænan hátt eða eftir öðrum viðeigandi leiðum, innan þess tímabils eftir lok viðmiðunartímabilsins sem er kveðið á um í viðaukunum. Hvernig sem atvikast vill skulu breyturnar sendar til framkvæmdastjórnarinnar (Hagstofu Evrópubandalaganna) eigi síðar en á þeim degi sem innlend yfirvöld gefa þær út.

9. gr.

Meðferð trúnaðargagna

Meðferð trúnaðargagna og sending gagna af þeim toga, eins og kveðið er á um í 8. gr., skal vera í samræmi við gildandi bandalagsákvæði um trúnaðarkvaðir í hagskýrslum.

*10. gr.***Gæði**

1. Aðildarríkin skulu sjá til þess að innsendar breytur endurspegli þýðiseiningarnar. Í þessum tilgangi verða gögnin, sem fengin eru í samræmi við 2. mgr. 4. gr., að ná yfir eins margar einingar og þarf til að þau séu nægilega dæmigerð.
2. Hvert aðildarríki fyrir sig skal mæla gæði breytnanna samkvæmt sameiginlegum viðmiðunum.
3. Prófa skal gæði breytnanna reglulega með því að bera þær saman við aðrar hagskýrslur. Auk þess skal ganga úr skugga um innra samræmi þeirra.
4. Fara skal fram gæðamat þar sem ávinningur af því að hafa gögnin til reiðu er borinn saman við kostnaðinn við að taka þau saman og fyrirhöfn fyrirtækja, einkum lítilla fyrirtækja. Aðildarríkin skulu senda framkvæmdastjórninni nauðsynlegar upplýsingar að beiðni hennar um þetta mat.

*11. gr.***Breytingar á vægi og grunnári**

1. Aðildarríkin skulu breyta vogarkerfinu fyrir samsettar vísitölur, ef þörf er á, á fimm ára fresti að minnsta kosti. Framkvæmdastjórninni skal skýrt frá væginu sem notað er í þessu aðlagða vogarkerfi innan þriggja ára eftir að nýja grunnárinu lýkur.
2. Aðildarríkin skulu á fimm ára fresti skipta um grunnár fyrir vísitölurnar og nota árin sem enda á 0 eða 5 sem grunnár. Færa þarf allar vísitölur yfir á nýja grunnárið innan þriggja ára frá því að því lýkur.

*12. gr.***Handbók um aðferðafræði**

1. Framkvæmdastjórnin skal, að höfðu samráði við hagskýrsluáætlunarnefndina, gefa út leiðbeiningahandbók um aðferðafræði með útskýringum á reglunum í viðaukunum og með leiðbeiningum um skammtímahagskýrslur.
2. Handbókina skal endurskoða með reglulegu millibili.

*13. gr.***Aðlögunartímabil og undanþágur**

1. Leyfa má allt að fimm ára aðlögunartímabil frá því að þessi reglugerð tekur gildi.
2. Framkvæmdastjórnin getur samþykkt undanþágur frá ákvæðum reglugerðarinnar á aðlögunartímabilinu ef innlend hagskýrslukerfi þarfnast verulegrar aðlögunar.

*14. gr.***Skýrslur**

1. Að beiðni framkvæmdastjórnarinnar skulu aðildarríkin senda henni allar upplýsingar sem varða beitingu reglugerðarinnar í aðildarríkjunum.
2. Framkvæmdastjórnin skal, innan þriggja ára frá gildistökudegi þessarar reglugerðar og á þriggja ára fresti eftir það, leggja skýrslu fyrir Evrópuþingið og ráðið um hagskýrslur sem teknar hafa verið saman samkvæmt þessari reglugerð, einkum um mikilvægi þeirra, gæði og fyrirhöfn fyrirtækja.

*15. gr.***Samræming í aðildarríkjunum**

Í hverju aðildarríki skal vera eitt innlent yfirvald sem sér um samræmingar á:

1. sendingu breytna (8. gr.),
2. gæðamælingum (10. gr.),
3. sendingu viðeigandi upplýsinga (l. mgr. 14. gr.).

*16. gr.***Forkannanir**

1. Framkvæmdastjórnin skal, í samræmi við málsmeðferðina sem mælt er fyrir um í 18. gr., láta hefja röð fjálsra forkannana sem aðildarríkin skulu annast. Þessar forkannanir eru tilgreindar í viðaukunum.
2. Markmiðið með þessum forkönnunum er að meta hvort mikilvægt og hagkvæmt sé að afla gagna, að teknu tilliti til ávinningsins af því að gögnin séu til reiðu borið saman við kostnaðinn við að taka þau saman og fyrirhöfn fyrirtækja.
3. Framkvæmdastjórnin skal tilkynna ráðinu niðurstöður forkannananna.

*17. gr.***Framkvæmd**

Framkvæmdastjórnin skal ákveða, í samræmi við málsmeðferðina sem mælt er fyrir um í 18. gr., ráðstafanir til framkvæmdar þessari reglugerð, þar með taldar ráðstafanir til að laga tölfræðilega úrvinnslu gagna og sendingu breytna að efnahagslegri og tæknilegri þróun. Við framkvæmdina skal taka tillit til þeirrar meginreglu að ávinningur ráðstafananna vegi þyngra en kostnaðurinn og þeirrar meginreglu að framkvæmdin krefjist ekki verulegs viðbótarfjármagns, hvorki frá aðildarríkjunum eða fyrirtækjunum, samanbórið við upprunaleg ákvæði þessarar reglugerðar. Ráðstafanirnar til framkvæmdar þessari reglugerð skulu einkum fela í sér:

- a) notkun sérstakra eininga (2. gr.),
- b) uppfærslu skrár yfir breytur (3. gr.),
- c) skilgreiningar og viðeigandi framsetningu innsendra breytna (3. gr.),
- d) hversu oft hagtolur skulu teknar saman (5. gr.),
- e) sundurliðun og samsöfnun breytna (6. gr.),
- f) skilafrest (8. gr.),
- g) viðmiðanir fyrir gæðamælinguna (10. gr.),
- h) aðlögunartímabil og undanþágur sem eru veittar á aðlögunartímabilinu (13. gr.),
- i) framkvæmd forkannana (16. gr.).

18. gr.

Málsmeðferð nefndar

1. Framkvæmdastjórnin skal njóta aðstoðar hagskýrslu-áætlunarnefndarinnar, hér á eftir kölluð „nefndin“.
2. Fulltrúi framkvæmdastjórnarinnar leggur fyrir nefndina drög að þeim ráðstöfunum sem gera skal. Nefndin skal skila álitinu á drögum innan þeirra tímamarka sem formaðurinn setur eftir því hversu brýnt málið er. Álitid skal

samþykkt með þeim meirihluta sem mælt er fyrir um í 2. mgr. 148 gr. sáttmálans þegar um er að ræða ákvarðanir sem ráðinu ber að samþykkja að tillögu framkvæmdastjórnarinnar. Atkvæði fulltrúa aðildarríkjanna í nefndinni veða eins og mælt er fyrir um í þeirri grein. Formaðurinn greiðir ekki atkvæði.

3. Framkvæmdastjórnin skal samþykkja fyrirhugaðar ráðstafanir ef þær eru í samræmi við álit nefndarinnar. Séu fyrirhugaðar ráðstafanir ekki í samræmi við álit nefndarinnar, eða skili nefndin ekki álit, ber framkvæmdastjórninni án tafar að leggja tillögu fyrir ráðið um þær ráðstafanir sem gera skal. Ráðið tekur ákvörðun með auknum meirihluta.

Hafi ráðið ekki aðhafst innan þriggja mánaða frá því að tillagan var lögð fyrir það skal framkvæmdastjórnin samþykkja fyrirhugaðar ráðstafanir.

19. gr.

Niðurfelling á ákvæðum

Tilskipanir 72/211/EBE og 78/166/EBE falli hér með úr gildi.

20. gr.

Gildistaka

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópubandalaganna*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 19. maí 1998.

Fyrir hönd ráðsins,

G. BROWN

forseti.

VIÐAUKI A

IÐNAÐUR

a) Gildissvið

Þessi viðauki gildir um alla starfsemi sem skráð er í bálkum C til E í atvinnugreinaflokkun Evrópubandalagsins (NACE), 1. endursk.

b) Spurnareining

1. Spurnareining allra breytna í þessum viðauka er rekstrareining nema annað sé tekið fram í 2. mgr. eða ákvörðun sé tekin um annað í samræmi við málsmeðferðina í 3. mgr.
2. Hægt er að nota starfsstöðina eða fyrirtækið sem spurnareiningu fyrir fyrirtæki með fáa starfsmenn í aukastarfsemi.
3. Hægt er að ákveða að nota aðra spurnareiningu, í samræmi við málsmeðferðina sem mælt er fyrir um í 18. gr.

c) Skrá yfir breytur

1. Hagtölurnar í þessum viðauka fela í sér eftirfarandi breytur:

Breyta	Heiti
110	Framleiðsla
120	Velta
121	Velta á innlendum markaði
122	Velta á erlendum markaði
130	Nýjar pantanir móttekna
131	Nýjar pantanir fyrir innlandan markað
132	Nýjar pantanir fyrir erlendan markað
210	Fjöldi starfsmanna
220	Vinnustundir
230	Heildarlaunakostnaður
310	Framleiðsluverð
311	Framleiðsluverð á innlendum markaði
312	Framleiðsluverð á erlendum markaði

2. Einingaverðsvísitala (nr. 313) er notuð til þess að nálgast framleiðsluverð á erlendum markaði (nr. 312) ef sú breyta er ekki fyrir hendi.
3. Frá upphafi fyrsta viðmiðunartímabilsins er hægt að nota annan meginhagvísi, sem hægt er að reikna út frá gögnum úr könnun á væntingum viðskiptalífsins, til að nálgast upplýsingar um nýjar pantanir (nr. 130, 131, 132). Leyfa má þessa nálgun í fimm ár frá því að þessi reglugerð öðlast gildi. Þetta tímabil skal lengja um allt að fimm ár í viðbót nema annað sé ákveðið í samræmi við málsmeðferðina sem mælt er fyrir um í 18. gr.
4. Frá upphafi fyrsta viðmiðunartímabilsins er hægt að nota fjölda starfsmanna (nr. 211) sem nálgun við upplýsingar um starfsmenn (nr. 210). Leyfa má nálgun í fimm ár frá því að þessi reglugerð tekur gildi. Þetta tímabil skal lengja um allt að fimm ár í viðbót nema annað sé ákveðið í samræmi við málsmeðferðina sem mælt er fyrir um í 18. gr.
5. Með „innanlands“ er átt við yfirráðasvæði viðkomandi aðildarríkis.
6. Upplýsinga um framleiðslu (nr. 110) er ekki krafist fyrir deild 41 og flokk 40.3 í atvinnugreinaflokkun Evrópubandalagsins (NACE), 1. endursk.
7. Upplýsinga um veltu (nr. 120, 121, 122) er ekki krafist fyrir bálk E í atvinnugreinaflokkun Evrópubandalagsins (NACE), 1. endursk.

8. Upplýsinga um pantanir (nr. 130, 131, 132) er aðeins krafist fyrir eftirfarandi deildir atvinnugreinaflokkunar Evrópubandalagsins (NACE), 1. endursk.: 17, 18, 21, 24, 27, 28, 29, 30, 31, 32, 33, 34, 35. Hægt er að breyta skránni yfir deildir atvinnugreinaflokkunar Evrópubandalagsins innan þriggja ára frá því að reglugerðin öðlast gildi, í samræmi við málsmeðferðina sem mælt er fyrir um í 18. gr.
9. Upplýsinga um framleiðsluverð eða einingaverðsvísitölu (nr. 310, 311, 312 eða 313) er ekki krafist fyrir eftirfarandi flokka í atvinnugreinaflokkun Evrópubandalagsins (NACE), 1. endursk.: 12.0, 22.1, 23.3, 29.6, 35.1, 35.3. Skránni yfir flokkana er unnt að breyta innan þriggja ára frá því að reglugerðin öðlast gildi, í samræmi við málsmeðferðina sem mælt er fyrir um í 18. gr.

d) Framsetning

1. Allar breytur, nema framleiðslubreytuna (nr. 110), skal senda óleiðréttar.
2. Framleiðslubreytu (nr. 110) ber að senda leiðréttá miðað við fjölda vinnudaga.
3. Auk þess geta aðildarríkin sent árstíðaleiðréttingar á breytunum, einnig geta þau sent breytur settar fram sem þróunarferli. Framkvæmdastjórnin (Hagstofa Evrópubandalaganna) getur aðeins tekið saman ársfjórðungsleiðréttingar ásamt þróunarferli fyrir þessar breytur ef gögn eru ekki send í þessari mynd.
4. Breytur nr. 110, 310, 311, 312 og 313 skal senda sem vísitölu. Allar aðrar breytur skal senda annaðhvort sem vísitölu eða sem rauntölur.

e) Viðmiðunartímabil

Eftirfarandi viðmiðunartímabil skulu gilda:

Breyta	Viðmiðunartímabil
110	mánuður
120	mánuður
121	mánuður
122	mánuður
130	mánuður
131	mánuður
132	mánuður
210	að minnsta kosti ársfjórðungur
220	að minnsta kosti ársfjórðungur
230	að minnsta kosti ársfjórðungur
310	mánuður
311	mánuður
312 eða 313	mánuður

f) Nákvæmnistig

1. Allar breytur ber að senda samkvæmt tveggja tölustafa kerfi atvinnugreinaflokkunar Evrópubandalagsins (NACE), 1. endursk.
2. Auk þess ber að senda framleiðsluvísitöluna (nr. 110) og framleiðsluverðsvísitöluna (nr. 310, 311, 312 eða 313) samkvæmt þriggja og fjögurra tölustafa kerfi Atvinnugreinaflokkunar Evrópubandalagsins, 1. endursk. Innsendar vísitölur samkvæmt þriggja og fjögurra stafa kerfi verða að innihalda að minnsta kosti 90% af heildarvirðisauka fyrir hvert aðildarríki í bálki D í atvinnugreinaflokkun Evrópubandalagsins (NACE), 1. endursk., á uppgefnu grunnári. Þau aðildarríki, sem eru með minna en 5% af heildartölu Evrópubandalagsins sem heildarvirðisauka í bálki D í atvinnugreinaflokkun Evrópubandalagsins (NACE), 1. endursk. á uppgefnu grunnári þurfa ekki að senda viðkomandi breytur á þessum nákvæmnistigum.
3. Breytur, sem eru sendar samkvæmt þriggja og fjögurra tölustafa kerfi atvinnugreinaflokkunar Evrópubandalagsins (NACE), 1. endursk., eru notaðar til að gefa út samanlagða vísa á þessum nákvæmnistigum fyrir bandalagið í heild og fyrir þann hóp aðildarríkja sem nota sameiginlega gjaldmiðla. Einnig er hægt að dreifa vísunum samkvæmt þriggja og fjögurra stafa kerfi fyrir hvert aðildarríki og aðra hópa aðildarríkja ef hlutaðeigandi aðildarríki hafa tilkynnt að gæði gagnanna séu fullnægjandi.
4. Auk þess ber að senda allar breytur til að flokka þær í aðalatvinnugreinaflokka og skal skilgreining þeirra ákvörðuð í samræmi við málsmeðferðina sem mælt er fyrir um í 18. gr. (með tilvísun til atvinnugreina í atvinnugreinaflokkun Evrópubandalagsins (NACE), 1. endursk.)

g) Skilafrestur gagna

1. Breyturnar ber að senda miðað við eftirfarandi skilafrest frá lokum viðmiðunartímabilsins:

Breyta	Frestur
110	1 mánuður og 15 almanaksdagar
120	2 mánuðir
121	2 mánuðir
122	2 mánuðir
130	1 mánuðir og 20 almanaksdagar
131	1 mánuður og 20 almanaksdagar
132	1 mánuður og 20 almanaksdagar
210	3 mánuðir
220	3 mánuðir
230	3 mánuðir
310	1 mánuðir og 15 almanaksdagar
311	1 mánuðir og 5 almanaksdagar
312	1 mánuður og 5 almanaksdagar
313	1 mánuður og 15 almanaksdagar

2. Skilafresturinn getur verið allt að 15 almanaksdögum lengri fyrir þau aðildarríki sem eru með minna en 3% af heildartölu Evrópubandalagsins í virðisauka í bálkum C, D og E í atvinnugreinaflokkun Evrópubandalagsins (NACE), 1. endursk., á uppgefnu grunnári.

h) Forkannanir

Forgangsröð vegna forkannana er eftirfarandi:

1. að meta möguleikana á því að senda gögn fyrir,
2. að taka saman framleiðsluverð á erlendum markaði,
3. að sundurliða breytur fyrir erlendan markað í „Myntbandalag“, „innan EB“ og „utan EB“,
4. að afla skammtímaupplýsinga um nýstofnuð og niðurlögð fyrirtæki,
5. að ganga frá atvinnuupplýsingum mánaðarlega,
6. að afla gagna um birgðir,
7. að leggja fram upplýsingar um fleiri atvinnugreinar en skráðar eru í 6. til 9. mgr. í bálki C,
8. að afla upplýsinga um skammtímafjárfestingu,
9. að afla gagna um pantanabirgðir.

i) Fyrsta viðmiðunartímabil

Allar breytur skal senda fyrir fyrsta viðmiðunartímabilið, sem er janúar 1998 fyrir mánaðarleg gögn og fyrsti ársfjórðungur fyrir ársfjórðungsleg gögn.

j) Aðlögunartímabil

1. Gefa má í mesta lagi þriggja ára aðlögunartíma frá því að reglugerðin öðlast gildi, fyrir framleiðslubreytuna (nr. 110), breyturnar fyrir starfsmenn og vinnustundir (nr. 210, 220) og breytuna fyrir innlent framleiðsluverð (nr. 311), í samræmi við málsmeðferðina sem mælt er fyrir um í 18. gr. Þetta aðlögunartímabil má lengja um önnur tvö ár í samræmi við málsmeðferðina sem mælt er fyrir um í 18. gr.
2. Gefa má í mesta lagi fimm ára aðlögunartíma frá því að reglugerðin tekur gildi, fyrir allar aðrar breytur, í samræmi við málsmeðferðina sem mælt er fyrir um í 18. gr.

VIÐAUKI B

BYGGINGARSTARFSEMI

a) **Gildissvið**

Þessi viðauki gildir um alla starfsemi sem skráð er í bálk F í atvinnugreinaflokkun Evrópubandalagsins (NACE), 1. endursk.

b) **Spurnareining**

1. Spurnareining allra breytna í þessum viðauka er rekstrareining nema annað sé tekið fram í 2. eða 3. mgr. eða ákvörðun tekin um annað í samræmi við málsmeðferðina í 4. mgr.
2. Hægt er að nota starfsstöðina eða fyrirtækið sem spurnareiningu fyrir fyrirtæki með fáa starfsmenn í aukastarfsemi.
3. Hagtölurnar má fá úr upplýsingum sem unnar eru í samræmi við flokkun á byggingarstarfsemi (CC), þar sem það á við.
4. Hægt er að ákveða að nota aðra spurnareiningu í samræmi við málsmeðferðina sem kveðið er á um í 18. gr.

c) **Skrá yfir breytur**

1. Hagtölurnar í þessum viðauka fela í sér eftirfarandi breytur:

Breyta	Heiti
110	Framleiðsla
115	Framleiðsla í byggingarstarfsemi
116	Framleiðsla í mannvirkjagerð
130	Nýjar pantanir mótteknar
135	Nýjar pantanir mótteknar vegna byggingarstarfsemi
136	Nýjar pantanir mótteknar vegna mannvirkjagerðar
210	Fjöldi starfsmanna
220	Vinnustundir
230	Heildarlaunakostnaður
320	Byggingarkostnaður
321	Efniskostnaður
322	Launakostnaður
411	Byggingarleyfi: fjöldi íbúða
412	Byggingarleyfi: nothæft gólfrymi í fermetrum eða annarri mælieiningu

2. Frá upphafi fyrsta viðmiðunartímabilsins er hægt að nota annan meginhagvísu, sem má reikna út frá gögnum úr könnun á væntingum viðskiptalífsins, sem nálgun við upplýsingar um nýjar pantanir (nr. 130). Leyfa má nálgunina í fimm ár frá því að þessi reglugerð öðlast gildi. Þetta tímabil skal lengja um allt að fimm ár í viðbót nema annað sé ákveðið í samræmi við málsmeðferðina sem mælt er fyrir um í 18. gr.
3. Frá upphafi fyrsta viðmiðunartímabilsins er hægt að nota fjölda starfsmanna (nr. 211) sem nálgun við upplýsingar um starfsmenn (nr. 210). Leyfa má nálgunina í fimm ár frá því að þessi reglugerð öðlast gildi. Þetta tímabil skal lengja um allt að fimm ár í viðbót nema annað sé ákveðið í samræmi við málsmeðferðina sem mælt er fyrir um í 18. gr.
4. Unnt er að nota upplýsingar um byggingarleyfi sem nálgun við breytur fyrir nýjar pantanir (nr. 130, 135, 136). Frekari nálgun fyrir þessar breytur, og aðrar, er hægt að skilgreina í samræmi við málsmeðferðina sem mælt er fyrir um í 18. gr.
5. Aðeins er leyfilegt að nota breytu framleiðsluverðs (nr. 310) til að nálgast breytur vegna byggingarkostnaðar (nr. 320, 321, 322) ef þær eru ekki tiltækar.

d) Framsetning

1. Allar breyturnar, nema framleiðslubreytuna (nr. 110), skal senda óleiðréttar.
2. Framleiðslubreytuna (nr. 110) skal senda leiðrétta miðað við fjölda vinnudaga.
3. Auk þess geta aðildarríkin sent árstíðaleiðréttingar á breytunum, einnig geta þau sent breyturnar settar fram sem þróunarferli. Framkvæmdastjórnin (Hagstofa Evrópubandalaganna) getur aðeins tekið saman ársfjórðungsleiðréttingar ásamt þróunarferli fyrir þessar breytur ef gögn eru ekki send í þessari mynd.
4. Breytur nr. 110, 115, 116, 320, 321 og 322 skal senda sem vísitölu. Breytur nr. 411 og 412 skal senda í rauntölum. Aðrar breytur ber að senda annaðhvort sem vísitölu eða sem rauntölur.

e) Viðmiðunartímabil

Viðmiðunartímabil, sem er að minnsta kosti ársfjórðungur, skal gilda um allar breytur í þessum viðauka.

f) Nákvæmnistig

1. Senda skal breytur nr. 110, 130, 210, 220 og 230 að minnsta kosti samkvæmt tveggja tölustafa kerfi atvinnugreinaflokunar Evrópubandalagsins (NACE), 1. endursk.
2. Breytnanna fyrir nýjar pantanir (nr. 130, 135 og 136) er aðeins krafist fyrir flokka 45.1 og 45.2 í atvinnugreinaflokun Evrópubandalagsins (NACE), 1. endursk.
3. Breytna fyrir byggingarkostnað (nr. 320, 321 og 322) er aðeins skylt að senda fyrir nýjar íbúðabyggingar nema um sé að ræða sambýli.
4. Breyta fyrir byggingarleyfi (nr. 411) á aðeins við nýjar íbúðabyggingar (nema um sé að ræða sambýli) og skal sundurliðuð í:
 - i) byggingar með einni íbúð,
 - ii) byggingar með tveimur eða fleiri íbúðum.
5. Byggingarleyfisbreytan (nr. 412) á aðeins við byggingar og skal sundurliðuð í:
 - i) byggingar með einni íbúð,
 - ii) byggingar með tveimur eða fleiri íbúðum,
 - iii) sambýli,
 - iv) skrifstofubyggingar,
 - v) aðrar byggingar.

g) Skilafrestur gagna

1. Breyturnar ber að senda miðað við eftirfarandi skilafrest frá lokum viðmiðunartímabilsins:

Breyta	Frestur
110	2 mánuðir
115	2 mánuðir
116	2 mánuðir
130	3 mánuðir
135	3 mánuðir
136	3 mánuðir
210	3 mánuðir
220	3 mánuðir
230	3 mánuðir
320	3 mánuðir
321	3 mánuðir
322	3 mánuðir
411	3 mánuðir
412	3 mánuðir

2. Skilafresturinn getur verið allt að 15 almanaksdögum lengri fyrir þau aðildarríki sem eru með minna en 3% af heildartölu Evrópubandalagsins sem heildarvirðisauka í bálki F í atvinnugreinaflokkun Evrópubandalagsins (NACE), 1. endursk., á uppgefnu grunnári.

h) Forkannanir

Forgangsröð vegna forkannana er eftirfarandi:

1. að leggja fram upplýsingar um framleiðsluverð,
2. að sundurliða framleiðslu (nr. 110) í nýja vinnu, viðgerðir og viðhald,
3. að afla mánaðarlegra gagna,
4. að sundurliða breytur nr. 210, 220 og 230 í byggingarstarfsemi og mannvirkjagerð,
5. að afla upplýsinga um kostnað (nr. 320, 321 og 322) fyrir annars konar byggingarstarfsemi en fyrir íbúðabyggingar auk viðgerða og viðhalds,
6. að sundurliða framleiðslu vegna byggingarstarfsemi (nr. 115) í íbúðabyggingar og aðrar byggingar,
7. að afla upplýsinga um skammtímafjárfestingu,
8. að afla skammtímaupplýsinga um nýstofnuð og niðurlögð fyrirtæki.

i) Fyrsta viðmiðunarár

Allar breytur skal senda fyrir fyrsta viðmiðunartímabilið, sem er janúar 1998 fyrir mánaðarleg gögn og fyrsti ársfjórðungur fyrir ársfjórðungsleg gögn.

j) Aðlögunartímabil

1. Gefa má í mesta lagi þriggja ára aðlögunartíma, frá því að reglugerðin tekur gildi, fyrir framleiðslubreytuna (nr. 110) og breyturnar fyrir starfsmenn og vinnustundir (nr. 210, 220) í samræmi við málsmeðferðina sem mælt er fyrir um í 18. gr. Þetta aðlögunartímabil má lengja um önnur tvö ár, í samræmi við málsmeðferðina sem mælt er fyrir um í 18. gr.
2. Gefa má í mesta lagi fimm ára aðlögunartíma, frá því að reglugerðin tekur gildi, í samræmi við málsmeðferðina sem mælt er fyrir um í 18. gr.

VIÐAUKI C

SMÁSÖLUVERSLUN OG VIÐGERÐIR

a) **Gildissvið**

Þessi viðauki gildir um alla starfsemi sem skráð er í deild 52 í atvinnugreinaflokkun Evrópubandalagsins (NACE), 1. endursk.

b) **Spurnareining**

1. Fyrirtækið er spurnareiningin fyrir allar breyturnar í þessum viðauka.
2. Hægt er að ákveða að nota aðrar spurnareiningar í samræmi við málsmeðferðina sem mælt er fyrir um í 18. gr.

c) **Skrá yfir breytur**

1. Hagtölurnar í þessum viðauka fela í sér eftirfarandi breytur:

Breyta	Heiti
120	Velta
210	Fjöldi starfsmanna
330	Raunvirðir sölu

2. Hægt er að leggja fram upplýsingar um magn sölu (nr. 123) í stað raunvirðis sölu (nr. 330).
3. Frá upphafi fyrsta viðmiðunartímabilsins er hægt að nota fjölda starfsmanna (nr. 211) sem nálgun við upplýsingar um starfsmenn (210). Leyfa má nálgunina í fimm ár frá því að þessi reglugerð öðlast gildi. Þetta tímabil skal lengja um allt að fimm ár í viðbót nema annað sé ákveðið í samræmi við málsmeðferðina sem mælt er fyrir um í 18. gr.

d) **Framsetning**

1. Allar breyturnar skal senda óleiðréttar.
2. Veltubreytuna (nr. 120) og sölumagnsbreytuna (nr. 123) skal einnig senda leiðréttá miðað við fjölda vinnudaga.
3. Auk þess geta aðildarríkin sent árstíðaleiðréttingar á breytunum, einnig geta þau sent breyturnar settar fram sem þróunarferli. Hagstofa Evrópubandalaganna getur aðeins tekið saman ársfjórðungsleiðréttingar ásamt þróunarferli fyrir þessar breytur ef gögn eru ekki send í þessari mynd.
4. Allar breytur ber að senda annaðhvort sem vísitölu eða sem rauntölur.

e) **Viðmiðunartímabil**

Eftirfarandi viðmiðunartímabil skulu gilda:

Breyta	Viðmiðunartímabil
120	mánuður
210	ársfjórðungur
330 eða 123	mánuður

f) **Nákvæmnistig**

1. Veltubreytu (nr. 120) og breytur fyrir raunvirði sölu/sölumagns (nr. 330/123) skal senda samkvæmt nákvæmnistiginu sem skilgreint er í 2., 3. og 4. mgr. Breytuna fyrir fjölda starfsmanna (nr. 210) skal senda samkvæmt nákvæmnistiginu sem er skilgreint í 3. og 4. mgr.

2. Nákvæmnistig endurflokkunar í atvinnugreinaflokkun Evrópubandalagsins (NACE), 1. endursk.: undirflokkar og flokkar:

undirflokkur 52.11,
undirflokkur 52.12,
flokkur 52.2,
flokkur 52.3,
samtala flokka 52.41, 52.42 og 52.43,
samtala flokka 52.44, 52.45 og 52.46,
samtala flokka 52.47 og 52.48,
undirflokkur 52.61.

3. Samtölustig endurflokkunar í atvinnugreinaflokkun Evrópubandalagsins (NACE), 1. endursk.: undirflokkar og flokkar:

samtals undirflokkur 52.11 og flokkur 52.2,

samtals undirflokkur 52.12 og flokkar 52.3 til 52.6,

samtals flokkar 52.1 til 52.6.

4. Deild 52

Aðildarríki með virðisauka fyrir undirflokk 52.7, sem er minni en 5% af virðisauka þeirra fyrir deild 52 á uppgefnu grunnári, geta notað samtölu undirflokka 52.1 til 52.6 til að nálgast deild 52.

g) Skilafrestur gagna

1. Breyturnar ber að senda innan þriggja mánaða frá lokum viðmiðunartímabilsins. Veltubreyturnar (nr. 120) og raunvirði sölu/sölumagns (nr. 330/123) ber að senda innan tveggja mánaða á því nákvæmnistigi sem tilgreint er í 3. og 4. mgr. í bálki F.
2. Skilafresturinn getur verið allt að einum mánuði lengri fyrir þau aðildarríki sem eru með virðisauka í deild 52 á uppgefnu grunnári sem er minna en 3% af heildartölu Evrópubandalagsins.

h) Forkannanir

Forgangsröð vegna forkannana er eftirfarandi:

1. að afla ítarlegri sundurliðunar atvinnugreina,
2. að meta möguleikana á því að senda gögn fyrir,
3. að taka saman upplýsingar um fjölda starfsmanna,
4. að taka saman upplýsingar um launakostnað,
5. að nota rekstrareiningu sem spurnareiningu,
6. að taka saman skammtímaupplýsingar um nýstofnuð og niðurlögð fyrirtæki.

i) Fyrsta viðmiðunarár

Allar breytur skal senda fyrir fyrsta viðmiðunartímabilið, sem er janúar 1998 fyrir mánaðarleg gögn og fyrsti ársfjórðungur 1998 fyrir ársfjórðungsleg gögn.

j) Aðlögunartímabil

1. Gefa má í mesta lagi þriggja ára aðlögunartíma vegna breytunnar fyrir fjölda starfsmanna (nr. 210), í samræmi við málsmeðferðina sem mælt er fyrir um í 18. gr. Þetta aðlögunartímabil má lengja um önnur tvö ár í samræmi við málsmeðferðina sem mælt er fyrir um í 18. gr.
2. Gefa má í mesta lagi tveggja ára aðlögunartímabil fyrir veltubreytuna (nr. 120) á nákvæmnistiginu sem er tilgreint í 3. mgr. í bálki F í samræmi við málsmeðferðina sem mælt er fyrir um í 18. gr.
3. Gefa má í mesta lagi fimm ára aðlögunartímabil, frá því að reglugerðin öðlast gildi, fyrir veltubreytuna (nr. 120), á nákvæmnistiginu sem er tilgreint í 2. og 4. mgr. í bálki F, og fyrir raunvirði sölu/sölumagns (nr. 330/123) í samræmi við málsmeðferðina sem mælt er fyrir um í 18. gr.

VIÐAUKI D

ÖNNUR ÞJÓNUSTA

a) **Gildissvið**

Þessi viðauki gildir um alla starfsemi sem skráð er í deildir 50 og 51 og bálka H, I, J, K, M, N og O í atvinnugreinaflokkun Evrópubandalagsins (NACE), 1. endursk.

b) **Spurnareining**

1. Fyrirtækið er spurnareiningin fyrir allar breyturnar í þessum viðauka.
2. Hægt er að ákveða að nota aðra spurnareiningu í samræmi við málsmeðferðina sem kveðið er á um í 18. gr.

c) **Skrá yfir breytur**

1. Hagtölurnar í þessum viðauka fela í sér eftirfarandi breytur:

Breyta	Heiti
120	Velta
210	Fjöldi starfsmanna

2. Frá upphafi fyrsta viðmiðunartímabilsins er hægt að nota fjölda starfsmanna (nr. 211) sem nálgun við upplýsingar um starfsmenn (nr. 210). Leyfa má nálgunina í fimm ár frá því að þessi reglugerð öðlast gildi. Tímabilið skal lengja um allt að fimm ár í viðbót, nema annað sé ákveðið samkvæmt málsmeðferðinni sem mælt er fyrir um í 18. gr.

d) **Framsetning**

1. Allar breyturnar skal senda óleiðréttar.
2. Veltubreytuna (nr. 120) skal senda leiðrétt miðað við fjölda vinnudaga.
3. Auk þess geta aðildarríkin sent árstíðaleiðréttingar á breytunum, einnig geta þau sent breyturnar settar fram sem þróunarferli. Framkvæmdastjórnin (Hagstofa Evrópubandalaganna) getur aðeins tekið saman ársfjórðungsleiðréttingar ásamt þróunarferli fyrir þessar breytur ef gögn eru ekki send í þessari mynd.
4. Allar breytur ber að senda annaðhvort sem vísitölu eða sem rauntölur.

e) **Viðmiðunartímabil**

Viðmiðunartímabilið fyrir allar breytur í þessum viðauka skal vera ársfjórðungur.

f) **Nákvæmnistig**

1. Veltubreytuna (nr. 120) skal senda samkvæmt eftirfarandi flokkun í atvinnugreinaflokkun Evrópubandalagsins (NACE), 1. endursk.

samtala 50.1, 50.3, 50.4,

50.2,

50.5,

51, 64, þriggja tölustafa hvor,

50, 60, 61, 62, 63, 72, tveggja tölustafa hver,

samtala 74.11, 74.12, 74.13, 74.14,

samtala 74.2, 74.3,

74.4 til 74.8, þriggja tölustafa hver.

2. Breytuna fyrir fjölda starfsmanna (nr. 210) ber að senda samkvæmt tveggja tölustafa kerfi atvinnugreinaflokkunar Evrópubandalagsins (NACE), 1. endursk., fyrir deildir 50, 51, 55, 60, 61, 62, 63, 64, 72 og 74.

3. Fyrir deildir 50, 51, 64 og 74 í atvinnugreinaflokkun Evrópubandalagsins (NACE), 1. endursk., þurfa þau aðildarríki, sem eru með virðisauka sem er minna en 5% af heildartölu Evrópubandalagsins á uppgefnu grunnári, aðeins að senda veltubreytuna samkvæmt tveggja tölustafa kerfi.
4. Þau aðildarríki, sem eru með heildarvirðisauka í bálki I sem er minna en 5% af heildartölu Evrópubandalagsins á uppgefnu grunnári, þurfa aðeins að senda breytuna fyrir fjölda starfsmanna (nr. 120) fyrir bálk I í atvinnugreinaflokkun Evrópubandalagsins (NACE), 1. endursk., á bálkastigi.

g) **Skilafrestur gagna**

Breyturnar ber að senda innan þriggja mánaða frá lokum viðmiðunartímabilsins.

h) **Forkannanir**

Forgangsröð vegna forkannana er eftirfarandi:

1. að taka saman upplýsingar um launakostnað;
2. að taka saman upplýsingar um raunvirða;
3. að meta hagkvæmni og mikilvægi gagnasöfnunar um:
 - i) ferðaskrifstofur – atvinnugreinaflokkun Evrópubandalagsins (NACE), 1 endursk., undirflokkur 63.3,
 - ii) fasteignir – atvinnugreinaflokkun Evrópubandalagsins (NACE), 1 endursk., deild 70,
 - iii) leigustarfsemi – atvinnugreinaflokkun Evrópubandalagsins (NACE), 1 endursk., deild 71,
 - iv) rannsóknir og þróunarstarf – atvinnugreinaflokkun Evrópubandalagsins (NACE), 1 endursk., deild 73,
 - v) stjórnun eignarhaldsfélaga – atvinnugreinaflokkun Evrópubandalagsins (NACE), 1 endursk., undirflokkur 74.15,
 - vi) atvinnugreinaflokkun Evrópubandalagsins (NACE), 1. endursk., bálkar J, M, N og O;
4. að leggja fram ítarlegri sundurliðun;
5. að meta möguleika á því að senda gögn fyrir;
6. að taka saman upplýsingar um fjölda starfsmanna;
7. að nota rekstrareiningu sem spurnareiningu;
8. að taka saman skammtímaupplýsingar um nýstofnuð og niðurlögð fyrirtæki.

i) **Fyrsta viðmiðunartímabil**

Fyrsta viðmiðunartímabilið sem ber að senda allar breytur fyrir er fyrsti ársfjórðungur 1998.

j) **Aðlögunartímabil**

Gefa má í mesta lagi fimm ára aðlögunartímabil frá því að reglugerðin öðlast gildi fyrir allar breytur í samræmi við málsmeðferðina sem mælt er fyrir um í 18. gr.